

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

13-07-2021

Broj: 14-02-04-02840/21
Sarajevo, Juli 09.2021.godine

15

04

22801-12-111

131

SKUPŠTINA KANTONA SARAJEVO
(Na pažnju predsjedavajućeg Elvedina Okerića)

PREDMET: *Odgovor na zastupničku inicijativu upućenu od strane zastupnice Neire Dizdarević, dostavlja se;*

VEZA: Zastupnička inicijativa broj: 01-04-22801-12/21 od 01.06.2021.godine

Vašim aktom broj i datum veze, zaprimljen dana 09.06.2021.godine, dostavili ste Kantonalnoj upravi za inspekcijske poslove Kantona Sarajevo zastupničku inicijativu upućenu od strane zastupnice Neire Dizdarević, na 37. Radnoj sjednici Skupštine Kantona Sarajevo, održanoj dana 31.05.2021.godine, a koje glasi:

"Na osnovu molbe stanara naselja Bulevar-Stup molim da izvršite nadzor nad površinom oko stambenih objekata pomenutog naselja i utvrdite da li su to javne površine i ako su, ko ima obavezu njihovog čišćenja i održavanja. Stanari naselja naročito ističu dječija igrališta koja su već devastirana, u koje vlasnici pasa uvode svoje ljubimce u iste, te postavljaju pitanje kome da se obrate u vezi ovih problema."

U odnosu na navedenu zastupničku inicijativu, dajemo slijedeći

ODGOVOR

Kantonalni komunalni inspektor je pokrenuo postupak inspekcijskog nadzora po službenoj dužnosti, preduzimanjem inspekcijskih radnji na utvrđivanju činjeničnog stanja, te shodno odredbama Zakona o komunalnim djelatnostima ("Službene novine Kantona Sarajevo", br. 14/16, 43/16, 10/17-ispravka, 19/17, 20/18 i 22/19), u cilju



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

zaštite javnog interesa u komunalnim djelatnostima, dana 16.06.2021.godine, uputio zahtjev za postupanjem i dostavom informacije davaocima komunalnih usluga KJKP "PARK" d.o.o.Sarajevo i KJKP "RAD" d.o.o.Sarajevo, za dostavu informacije vezano za održavanje zelenih i rekreativnih površina naselja Bulevar na Stupu i održavanje komunalne čistoće naselja Bulevar na Stupu.

KJKP "RAD" d.o.o. Sarajevo je aktom broj: 02-01-07-9948/21 od 23.06.2021.godine izvjestio kantonalnog komunalnog inspektora da vršenje nadzora nad održavanjem površina oko stambenih objekata naselja Bulevar na Stupu, nije u nadležnosti KJKP "RAD" d.o.o. Sarajevo. Održavanje ovih površina nije sastavni dio Operativnog plana i Programa održavanja čistoće, koji se utvrđuje sa nadležnim Ministarstvom komunalne privrede, prostornog uređenja, građenja i zaštite čovjekove okoline Kantona Sarajevo.

KJKP "PARK" d.o.o. Sarajevo dostavio je kantonalnom komunulanom inspektoru službenu zabilješku komunalnih redara KJKP "PARK" d.o.o. Sarajevo broj: P-142-110/21 od 21.06.2021.godine sa informacijom da KJKP "PARK" d.o.o. Sarajevo sa sjedištem u ul.Patriotske lige broj 58, u skladu sa Planom i Programom održavanja javnih zelenih površina u Kantonu Sarajevo, ne vrši nadzor i održavanje zelenih i rekreativnih površina oko stambenih objekata naselja Bulevar na Stupu.

Kantonalni komunalni inspektor je dana 15.06.2021.godine izvršio neposredan inspeksijski nadzor na predmetnoj lokaciji, naselje Bulevar na Stupu, i tom prilikom utvrdio da se zelene i rekreativne površine (sa posebnom pažnjom na dječija igrališta) uredno održavaju, da se vrši održavanje komunalne čistoće na predmetnim površinama, te da je način prikupljanja komunalnog otpada riješen putem putem podzemnih kontejnera.

Daljim poduzimanjem inspeksijskih radnji na utvrđivanju činjeničnog stanja i prikupljanja dokaza, te izjavom predstavnika Bulevar d.o.o. Kiseljak i uvidom u dostavljeni Zemljišnoknjižni izvadak Općinskog suda u Sarajevu broj: 065-0-NAR-21-046 333 od 03.06.2021.godine, utvrđeno je da je titular vlasništva predmetnih površina Bulevar d.o.o. Kiseljak sa sjedištem u ul.Josipa bana Jelačića bb, Kiseljak.

S poštovanjem,

DIREKTOR

Adis mesic

Dostavlja se:

- 1. Predsjedavajući Skupštine Kantona Sarajevo*
- 2. Sekretar Skupštine Kantona Sarajevo*
- 3. Sekretar Vlade Kantona Sarajevo*
- 4. a/a*



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb